

समे — 12:25

Martyrs Day

समूलचा मुख्य अज्ज भारत दी अजादी दी लड़ाई दे त्रै म्हान क्रांतिकारिएं, शहीद—ए—आजम भगत सिंह, शिवराम राजगुरु ते सुखदेव थापर होरें'गी उं'दे शहीदी ध्याड़े पर श्रद्धांजलि अर्पित करा'रदा ऐ। भारत माता दे इ'नें त्रौनें वीर सपूतें गी 1931 च अज्जै दे रोज ल्हौर दी मरकजी जेल च फांसी देई दित्ती गई ही। इ'नें महान सुतंत्रता सैनानिएं गी 17 दिसम्बर 1928 गी ल्हौर च अंग्रेज पुलस अफसर जे.पी.सॉन्डर्स दी हत्या दे आरोप च मौत दी सजा सनाई गई ही।

<><><><><><>

PM-Martyrs Day

प्रधानमंत्री नरेन्द्र मोदी होरें भारत दे महान सुतंत्रता सैनानिएं भगत सिंह, सुखदेव ते राजगुरु होरें गी अज्ज उंदे शहीदी ध्याड़े पर श्रद्धांजलि अर्पित कीती ऐ। सोशल मीडियो दी इक पोस्ट राएं इक वीडियो सांझा करदे होई श्री मोदी होरें इनें महान क्रांतिकारिएं आस्सेआ दित्ते गेदे सर्वोच्च बलिदान गी चेता कीता। भारत दी आजादी ते न्याह लेई उंदू निडर जब्बे गी चेता करदे होई प्रधानमंत्री होरें आखेआ ऐ जे शहीद—ए—आजम भगत सिंह, राजगुरु ते सुखदेव हुंदे बलिदान असें सब्बने गी म्हेशां पेरित करदे रौंहगन।

<><><><><><>

LG Filmahotsav

लेफ्टिनेंट गवर्नर मनोज सिन्हा होरें अज्ज अभिनव थेटर जम्मू च जम्मू कश्मीर सिने एसोसिएशन आसेआ आयोजित तवी फिल्म महोत्सव दा उद्घाटन कीता। उ'नें आखेआ जे मनोरंजन ते समाजी जिम्मेदारिएं दे बश्कार संतुलन, मजूदा समें दी सब्बने शा बड्डी मंग ऐ। एलजी होरें फिल्म निर्माताएं गी आखेआ जे ओह इस गल्लै दा खास ख्याल रक्खन ते उं'दे आसेआ तैयार समग्री दा मकसद, लोकें गी जागरूक बनाना ते उनें'गी अपनी जिम्मेदारिएं कन्नै वाकफ करोआना होना लोड़चदा ऐ। आकाशवाणी दे जम्मू संवाददाता दी रिपोर्ट मूजब एहदा मकसद फिल्म निर्माताएं, कलाकारें ते रचनात्मकता कन्नै जुड़े दे पेशेवरें गी अपना हुनर दस्सने लेई इक मंच उपलब्ध करोआना ऐ। उद्घाटनी समारोह च केई मन्ने परमन्ने दे लोक हिस्सा लैऽ करदे न जिं'दे च जम्मू युनिवर्सिटी दे वाईस चांसलर प्रोफेसर उमेश राय,

जम्मू-कश्मीर कला, संस्कृति ते भाषाएं सरबन्धी अकैडमी दिआं सचिव हरविंदर कौर ते जेके सिने एसोसिएशन दे प्रधान धरमिन्द्र कोहली मुख्य तौर पर शामिल न। जेकेसीए आसेआ नियुक्त जजें दा पैनल, फिल्में दा आंकलन करोग ते नतीजें दा ऐलान बी अज्ज गै कीता जाहग। जेतू गी 10 जहार रपे, फर्स्ट रनर-अप गी 7 जहार रपे ते सेकेंड रनर-अप गी 5 जहार रपें दा ईनाम दित्ता जाहग।

<><><><><><>

Speaker House Committee

जम्मू-कश्मीर विधानसभा दे स्पीकर अब्दुल रहीम राथर होरें प्रदेश च जल जीवन मिशन दी अमलावरी च कथित तौर पर अनियमितताएं दा पता लाने लेई हाउस कमेटी खडेरने दा ऐलान कीता ऐ। स्पीकर होरें आखेआ जे बजट इजलास शुरू हुंदे सार गै केई सारे विधायक हाउस कमेटी खडेरने दी मंग करा'रदे हे। उ'नें आखेआ जे सदन सब्बनें थमां उप्पर ऐ ते जल जीवन मिशन दी कथित बेजाब्तगिं दा पता लाने लेई हाउस कमेटी खडेरने दी गल्ल मन्नी लैती गोई ऐ।

<><><><><><>

Ropeway Bids

सरकारै आखेआ ऐ जे जम्मू-कश्मीर च त्रै महत्वपूर्ण रोप-वे परियोजनाएं दे निर्माण लेई तफसीली प्रोजेक्ट रिपोर्ट तैयार करने गितै बोलियां मंगियां गोइयां न। इ'नें रोप-वे परियोजनाएं च बालटाल थमां 3 जहार 880 मीटर दी उंचाई पर स्थित श्री अमरनाथ जी दी पवित्र गुफा तोहड़ी 11 इशारिया 6 किलोमीटर लम्मा रोप-वे बी शामिल ऐ जेहदा मकसद श्री अमरनाथें दी जाततरा गी मता सखल्ला बनाना ऐ। आकाशवाणी दे जम्मू संवाददाता दी रिपोर्ट मूजब, त्रै होर रोप-वे परियोजनाएं लेई नेशनल हाईवेजस लॉजिस्टिक्स मैनेजमेंट लिमिटेड आसेआ तफसीली प्रोजेक्ट रिपोर्टें दे निर्माण लेई बी बोलियां मंगियां गोइयां न। इ'दे चा 2 रोप-वे प्रोजेक्ट बडगाम च ते इक रामबन जिले च होग। मुख्यमंत्री ओमर अब्दुल्ला होरें कल विधानसभा च इक सोआलै दे लिक्खियै दित्ते गेदे परते च एह जानकारी सांझी कीती। ओमर हुंदे कश सैलसफा मैहकमे दी बी जिम्मेदारी ऐ ते उ'नें एह जानकारी नेशनल कांफ्रेंस दे विधायक सज्जाद शाहीद हुंदे आसेआ पुच्छे गेदे इक सोआलै दे परते च दित्ती। मुख्यमंत्री होरें इब्बी दस्सेआ जे जम्मू-कश्मीर च विकास-बाददे लेई 52 रोप-वे परियोजनाएं दी इक सूची सरकार आसेआ सांझी कीती गेदी ऐ।



NTA-CUET

राष्ट्री सतह पर मतेयान लेने आली अजेंसी एनटीए नै सीयूईटी लेई पंजीकरण लेई खीरी तरीक बधाई दित्ती ऐ। हुन ऑनलाइन दरखास्तां कुल संगारै 24 मार्च तगर जमा कराइयां जाई सकदियां न। परीक्षा शुल्क जमा करोआने दी खीरी तरीक बी 23 मार्च थमां बधाइयै 25 मार्च रातीं 11 बज्जियै 50 मिंटे तगर करी दित्ती गई ऐ। अवेदक 26 थमां मार्च बश्कार आवेदन विवरण च संशोधन बी करी सकदे न। अजेंसी समूलचे देसै दे बक्ख-बक्ख शैहर ते देश दे बाहर बी 15एं शैहरें च कम्प्यूटर आधार मतेयान 8 मई ते पैहली जून बश्कार आयोजित करा करदा ऐ।



CS Kala Kendra

मुख सचिव अटल डुल्लू होरें आखेआ ऐ जे जम्मू कश्मीर च कला केन्द्र गी परफारमिंग ते विजुअल आर्ट्स दा प्रमुख केन्द्र बनाया जाह्ग। उ'नें सरकार दी इस भेठा वचनबद्धता गी बी जाहर कीता। उ'नें जम्मू-कश्मीर लेई खरी चाल्ली कन्नै परिभाषित सांस्कृतिक नीति तैयार करने उप्पर लोऽ पाई। कला केन्द्र जम्मू च तवी उत्सव 2025 दे सरबंघै च आयोजित कार्यक्रम गी संबोधत करदे होई मुख सचिव होरें एह गल्ल आखी। एहदा आयोजन जम्मू कश्मीर दी कला, संस्कृति ते भाषाएं सरबंघी अकैडमी ते अमर महल अजैबघर ते लाइब्रेरी जम्मू आसेआ कीता गेआ। मुख सचिव होरें दस्सेआ जे खित्ते दे कलाकारें, लखारिएं ते नेह होरनें गी प्रोत्साहित करने लेई इक अवार्ड योजना गी खीरी रूप दित्ता गेआ ऐ।

